

中國方志叢書·華北地方·第四七二號

據

清·趙開元纂修·楊俊寬輯
清乾隆十一年石印本

影印

河南省

新鄉縣志

(三)

成文出版社有限公司印行

新鄉縣志卷第二

名蹟志中

曲水園在近城衛河北岸爲明郭中丞庭梧娛目處也今改居舍
磊石尚存鐫虎岩二字

暢俊詩磊石誰爲主殘雕記歲時朱櫺沉舊檻花逕覓奇詩獨
憶籃輿客還生紫霧悲結衣端有賴好自撫門楣

綠竹園在城北衛水之陽明郭大宗伯淍別墅園中有松關竹徑
荷沼菊田蕉林百花廊梅花塢牡丹園紅藥圃紫香谷芙蓉陂春
雨亭林秀亭綠雪齋秋水居有斐堂瞻彼樓紫霞居涵虛洞雲荻
館來雲軒綠竹山房蓋竹山震臺今俱圯

狂瘡詩何干怪石連雲起綠竹園荒尚書里偃卧疑看虎添翼
拱揖恍見鴟伸趾借問石來自何年孤立荒村夕陽倚憶昔東

林推八君當時海內一蘇門賢名雅負林宗鑒道廣能共太邱
尊指陳邊計如觀火東宮啟沃號賓臣氣節那避權璫怒門戶
漫釀鉤黨根更有孟諸稱循良才地聞望真雁行太守但飲南
昌水持節不減隴西糧宗伯大叅身名著晚節林泉共來去早
植奇葩遶碧渠力輦石翁蹲別圃從此高卧穩汀沙後來我輩
應難遇四海烽烟喬木遷干戈何地着平泉新蒲細柳年年綠
瞻彼樓空竹澳寒惟有石翁全無恙壁立弗容螻蟻穿迄今猶
爲人愛惜雲根雨氣接層巒垣傾圉蕪何足道草制作銘屬象
賢吁嗟乎五如之亭三品珍終須零落委荒榛茲石屹然無與
比侵尋風雨昂且軒落落盤踞原得地冥冥孤高寧傍人休言
材大難爲用應端袍笏拜嶙峋歸來郭外攬春華綠竹餘烟
潤冰涯一陣和風吹弱柳無邊旭日醉晴霞圖荒猶立于尋石

垣斷難遮繞砌花非是吾曹甘寂寞昔人有夢穩鷗沙 唱自
爲詩淇上苑堂水一隈高雲涼月滿荒臺青青綠竹秋相抗粲
粲黃花晚自開從把魚竿甦病骨偶隨鶴步散清哀霜前已欲
繁華髮世事新酌濁酒杯 自卜青山甘采薇舊遊時憶扣岳
扉偶從萬壑酣秋色數向孤峯歎落暉黃葉寺前僧共語寒松
天半鳥雙歸得逢海宇休明日何用桃源與世違 綸閣秋生
今古思風雲天地自他時金華晝接龍顏霽玉佩晨搖鴻羽儀
憂國正如葵自向隣才空與草同衰百年世故真相賴四海何
由怨仇離 千秋悵望紫宸班廿載長思識聖顏人世何由嗟
杼軸君王有意奠河山離光欲照誰煬灶睿詔曾頒可賜環獨
謂幸逢堯舜主華封遙祝五雲間 桂蘂繁香白玉堂槐陰停
日紫雲涼華班偶接仙人侶綵筆常簪御座傍欲並芙蓉孤照

水正逢旅雁自還鄉流光霜色侵閒鬢賴有青尊遣興長 曾
擁輜軒逐雁羣江星明浪動秋文匡廬夙駕衝寒雨滕閣將歸
悵白雲錦字機中催夜織班衣庭際迫中分那堪以病逢凶閔
腸斷王臣四牡勤 浪跡昨思供奉年衰遲身世一官賢城秋
山色朝迎馬月暗江聲夜泊船憶鱸能回千里棹懷人空賦四
愁篇梁南衛北多衰柳客到行時愁暮蟬 學道空悲鬢有華
仙源何處飯胡麻已將心事同秋水未必人生似落花金谷幾
時還茂草玉關何日請哀笳得歸茅屋依丹井便似吹簫汎碧
霞 松關詩言向花間遊且從松下立緬懷貞幹人時與清風
入 竹徑詩猗猗詠君子杳然淇澳處我屋深林中晨昏自來
去 荷沼詩荷開水紋靜水清荷氣香彌生塵外想數舉池邊
觴 菊田詩有田雖種黍有黍須種菊待到花黃時牀頭酒新

熟 蕉林詩亭亭蔽炎日冽冽傳秋聲寄語繁華子此中
情 百花廊詩長廊覆花影主人情事閒黃鸝何意緒日
花間 梅花塢詩隔林香風長遠屋白雪霽土匪澹蕩情不共
幽芳契 牡丹園詩數畝貯春輝千葩失色酌酒凭闌干頻
醉穠香國 紅藥圃詩麗色春無似花時風乍薰幽人解花理
含語復含芳 紫香谷詩繞亭瓔珞垂紫藤花到地怪底香氣
凝面面風吹至 芙蓉陂詩東陂積秋水策杖時竚立芙蓉滿
陂開灝露晨朝裛 春雨亭詩春花海棠研帶雨信嬌好何似
灑甘霖處處滋芳草 林秀亭詩森森萬竿列隱隱孤亭結幽
人去有時幽鳥鳴不絕 綠雪齋詩彈琴竹窓裡寒聲還入琴
凜凜宜積雪清幽生寸心 秋水居詩芙蓉江南草花鮮江浩
浩祇宜娛隱人秋來好懷抱 有斐堂詩古人今不見惟餘古

時竹思彼古人心坐此竹間屋 瞻彼樓詩長楊間層簷脩竹
延邃浦頻眺起遐思怡然芳林主 紫霞居詩入林澹紛華木
食情逾適似此倦遊心羨彼餐霞客 涵虛洞詩虛洞滌煩襟
入洞復有洞返茲丹元居栩栩惟清夢 雲岫館詩西園桃李
明北牖林水暝覽勝此燕閒時穿碧筠徑 來雲軒詩藝蘭拂
幽檻植梅蔭中區爽氣來千山片雲時與俱 綠竹山房詩幽
意自昔然還山有茲樂衰白更何之放情此林壑 蓋竹山詩
為山稱蓋竹如今竹滿山山頽竹枯滅跨鶴時當還 震台詩
終日坐竹間有時臨樹杪青山出遠林澹雲沒高鳥
依水園一名一水園張大司空縉彥別墅去城數舍濱衛河岸疊
石為山上建撫嵐亭北望蘇門宛然在目堂構三楹曰集綺山居
東壁有孟津王文安鐸畫竹筆墨淋漓若有神助西壁則山人郭

世元所寫松鶴也今改梵宮如是庵

縉彥自爲記百泉勝絕羣水自孫臺卽窩迥然標空而萬古深
綠遂爲杖履破削矣余旣而厭喧乃循泉源之尾得之衛水隩
其滙數頃可溉可汎可漁而又無昔人之結構以薄雲氣乃掃
穢鋤蕪小具一亭柳棚我以青陰草茵我以柔烟開檻一芙蓉
數百株東穿曲池引衛水入之魚得蔭焉池之旁起怪石疊峯
複巒漂浮水面均處有土洞深數尺曰雲浪洞上架小橋以通
桃山桃山者池上浮土積而成邱取北山亂石雜之蜿蜒龐魄
高深之致豁如也稍東有亭曰撫嵐左右林木籠蔽亭獨䟽遠
老杜所謂開林出遠山恍惚見之亭之外以瓦成垣野翠天碧
玲瓏錯落壯望花樹如秋月窓紗不知傀儡之在眼際也水中
有畫舫具茶鐺酒鑪載漢書唐律數卷春雪初融卧聽微網聲

颯颯然秋濤怒生噴薄拍岸驚飛衝碧雁寒聚浦上汎大橋下
汎默灣竟夕忘返所謂流連之戒禁得毋犯耶岸拓半里蓄棗
柿桃李蔓菁另繕山房主之北望蘇門如有几案南開簾以迎
旭晴雲舒卷水鳥翻飛有先生大人者車徒以憇名之曰集漪
山居此室去水稍遠亦曰集漪者風與水相際而成漪每當風
聲吹葉綠浪飄渺余魂夢依依不自知其在河渚之外也室傍
有小屋二南牖宜冬北牖宜夏室初成聖壁如洗適覺斯先生
自共城來夜宿忽狂起呼僕夫研墨走筆寫大竹數十條風雨
蕭蕭園丁驚走告余急往視之先生大叫索酒漿自勞而趨觀
者咸以謂有神來焉西壁則郭山人世元寫松鶴配之脩冷之
氣與蒼勁之風不復辨也園去城數舍足可至迺不爲遊人之
所賞處喧而能寂其德有足尚者士君子裊烟霞爲骨裊風月

爲致豈必絕塵脫迹哉終南之徑以塞北山之椒尚存首陽非
清柳下非濁若利害焚其情得失移其慮即寢處蘇門百泉之
間公和堯夫其笑我矣 又自題寂寂秋偏晚空齋意自微柿
紅月際見草色露中歸戰門餘今夕江湖見舊磯誰堪憑暮望
北雁又將飛 聖主能憂惕田家尚苦辛兩年虛諫草一水安
閒人落月蘇門樹寒天牧野榛無端秋籟至颯颯又何因 林
光搖衛許葦岸水蕭蕭露益寒光氣秋隨弱柳條支藤三徑淺
歸鶴九山遙檻外看新月分明露畫橈 小城喧戍鼓林處自
秋烟霜折初乾月風欺不繫船山川迷獸跡燈火媚詩編獨坐
高吟後平沙鳥背眠 有僧宜茂樹拈韵偶平泉欲接千山氣
猶令一水專高林圍斷石深洞守蒼烟小舫兼鷗影悠悠受月
灑 題書竹詩斜陽小閣半溪通石角荒深樹色空何處秋風

浙浙起滿天烟雨畫圖中
石文等嶸倚綠筠酸風苦雨幾經
春子猷清興稱奇絕潑墨元來屬孟津
孟瑤詩冒雨出門遊
渾如出塞遊黃花負九日白髮亂三秋別後逸詩格愁來厭酒
籌故人今夕夢端的在何洲
許作梅詩勝地私吾黨相思寂
寞多朱亭迎白日綠岸逝晴波幾載看花去今辰乘馬過風塵
秋又老幽賞竟如何
波淺仍魚麗林空厭客遊安瀾堪結網
勝友且臨流泉石身何賴風塵意已休漁舟了生事東注水悠
悠
滄江難聚處此日汎蘭舟
苻采清溪老花香別墅秋亭虛
學士竹客坐讀書樓共對夕陽外湖山醉白收
盤桓風雨後
與處記還真樹杪縣朱槿樓陰蔽
疎筠何當把酒日竟是惜花
辰默默聽黃鳥
拔松問主人
山軒十里潤河流嘉客開樽花
外樓天上故人青眼在林中佳致經筠收幽蘭空谷分香遠細

草長松倚樹秋幸假平泉莊內樹教午夜錯觥籌任璿詩

別業陰陰溪水清閒庭散步不勝同壁間畫竹烟雲暗石上題

詩苔蘚橫悵望北天空拔淚蕭條南雁杳無聲傷心最是春花

發何事芳菲向日榮許爾梅詩九日登高華露深平泉莊上

坐蕭森正冠正憶叅軍興無酒無傳刺史音松栢歲寒欺菊蕊

梧桐秋老等楓林共尋樹石猶依昔空對寒濤聽暮砧許作

梅撫嵐亭詩撫嵐亭一望密樹亂晴空室遠東陵客花明十畝

宮簷虛當錦石響答隔林風衛水多情極溶溶日向東林亭

連野濶低樹出墻來幽事看朱李空堦見綠苔墨藏檐不改草

細徑仍開歡娛獨心折鳴禽妬幾回張縫彥詩頽然白髮卧

松蘿羞見西風改素柯欲覓魚踪依荇去回看鳥跡傍雲多縈

河夜靜拾星斗牧野秋聲老黍禾寂寂夕陽忘去住隔林牛背

一聲歌

東園在城北街任司李文晔構倚第宅背城陰藜杖幅巾行吟坐
嘯有古處堂綠筠軒旁藏二室宜冬曰內省宜夏曰也足子太守
璿增築似舫與柏臺規模固由舊也今頽

嗟自爲詩結字依丹壑寒流戶外沄簷虛常度月林靜自棲雲
課讀懷庭訓樂天看雁羣何知楓葉下淅瀝九秋分 幽棲成
獨契別爾欲何之露白花甘冷年衰人尚馳清秋光易度名嶽
遠相期玉女峯頭月登臨慰所思 長年何事掩荆關壯志蕭
蕭髣髴斑高卧繩牀午夢醒推窓且伴此君閒 柏氏揮絃理
素琴悠然一曲響空林子期旣去人千古誰識高山流水音
半畝爲園學種花雨餘草長漫興嗟輞川金谷今何在剩有荒
烟啼暮鴉 瘳詩風雨數椽留圖書四壁蕭嗟翁手自題古處

甘違俗 小築起蒼烟悠然一徑窄歲寒無與儔珍重數株柏
枕壑構簷楹卧雲在幽獨清風拂檻來薄暮鳴脩竹 一室
纔容膝遺編祇自尋箇中清百慮形影愧孤衾 誰道廣陵絕
猶傳爨下音春花秋月夜曾撫一絃琴 面山漫欲移袍笏莫
相嚇月夜倚孤筇頻來吟瘦石 披史宕荷風狂來弄碧筒黃
昏香欲散池上月方中 小苑香枝瘦半庭山月斜清寒渾未
怯疎影弄梅花 沙石何攢攢黃磁斗貯寬欲徵燕姑夢長詩
有幽蘭 午枕涼侵夢濃蔭綠未開情深猶種樹手植是雙槐
似訪盈規地雲封一片座忽聞鳴鳥過轉覺臭蘭真揮塵還
傾耳携樽細入唇新年來勝友逢徑自生春 甫柏臺下柏為
隣危岸層軒在城墮塔外清溪映斜曛雲繞烟鬟一水沅峰巒
疊起誰家山借來眼底表嶠峴時上重臺脫我巾無煩集蠅與

憎蟲有客過我同吟呻可將風月許平分曲徑宛轉怪石蹲竹
籬簫疎池荷翻衆芳開謝錦作茵四時點綴花有神摩娑老柏
手澤存霜皮勁節幾經春京山李子標題新竊取還以名吾園
許作梅詩達人高卧處一壑水沄沄世路憑蒼狗林塘愛白
雲鳴琴何獨樂羣鶴有同羣勝日常華裡優游風雨分城府
翫塵息悠然一鹿門歲寒松不老風細竹常喧小苑休亭樂東
山賭墅存武陵花滿眼誰起洛陽園不問朝堂肉涉園趣自
餘梧桐冒暮雨楊柳慢朝霞築圃松筠直親人魚鳥斜栽花洵
勝事塵土染東華雅道翁山在窺園思入禪青蓮心蕊出春
草筆花懸事業東籬見風流北郭跼桔槔灌葵藿大隱與君先
許爾梅詩昔送春歸處春歸今再過舊歡仍浹洽新句好吟
哦奇勝猶爲變更深不耐醺徘徊幽徑裡老態嘆嗟嗟東望

羣賢集相看獨我狂
摩娑鄴架帙指點洛園香
不信餐櫻熟深慚衣葛涼
醉餘強道別蝶夢效蒙莊
登茲古處堂古人如可作
念念何能忘遺書滿高閣
千畝亦已奢兩三竿未足
庶幾此君軒東坡不云俗
屈曲通與窻豁然見明窓
雖然幽隱室皎皎天日光
柏不因臺植臺因柏始佳
登高臨望遠縱目趣無涯
郭遇熙詩最愛東園好悠
然一水沅城陰常宿雨榻
背間飛雲遠市無塵侶幽
居即道羣坐來不覺晚梧
月正平分高卧松嵐下棲
遲獨掩門不聞鳥語亂但
聽水聲喧鼓瑟無人問鳴
琴只自存浮雲看戶外藜
杖老邱園主情殷更篤客
興復能賒投轄飲清露掛
冠就碧霞紅蓮傍竹響綠
樹倚風斜江上秋烟冷何
如此地華世人盡白眼吾
道肯逃禪入室芝蘭茂登
堂花萼懸薜蘿開雙雀步
林靜幾人跼白雪由難賦
郢歌近